

210
Mesue wollen / ist ein Arzt on die Astrologey gleich wie
ein blinder on ein fürer. Derhalben auch der weise Königli
che Meister Ptolomeus vns anzeigt ym seinem buch / das
man nennet Quadripartitum / das der weise künstreiche
man herschen werde dem gestirn / das ist / durch fürsichtige
keit mit erzneyen / so böse Constellationes vns etwas drey
en sind.

Darumb lieber bruder thete fast nott / das ein
weiser verstendiger Arzt / der kunst Astrologie wol bericht
were. Wiewol die erzney ein lauter ware kunst / fur sich selb
bs volkomen ist / dennoch ist aber kein Arzt volkomen on
diese eddele kunst Astrologia / denn alle diese vnterste ding
werden gubermiert vnd regiert durch die obersten / das ist /
durch das gestirn. Denn also sagt Ptolomeus der hochber
rumbte Astrologus / Nichts aufferden ziert vnd adelt od
der erklert vnd macht hochberumbt einen Arzt / denn die
Astrologey / Vnd solchen hocheffarnen vñ erklerten Arzti
sol yedermemiglich vleissig ehren / wie wir denn ym buch
Ecclesiastici am. 38. vermanet werden.

Aber izt zu vn
fern zeiten / were es hertzlich zubeweynen vnd zubeklagen /
das so wenig menschen / diese vnd andere künste / so vns izt
fur die thür komen / vnd teglich auff das vleissigist gelesen
vnd geleret werden / annemen / sondern / solche ganz veras
chten vnd fur nichts halten / O wie grobe vnd blinde art
der menschen sind izt / billich den vnuernünfftigen thieren
zuuergleichen / die nichts achten / denn den bauch füllen vñ
alle laster / welche auch nicht würdig sind solchs büchlein
zu lesen.

Auch erstlich hab ich besonnen / dir sonderlich
darmit zu dienen / so ich weys das nicht Doctores der erz
ney / noch Apoteccken bey dir sind / auff das du dir selbs erz
ney yn nöthen zurichten mügest / Wiewol es auch von nö
ten were / das man vor wol erlernete / ob die krankheit von
hize odder von kelte were / als ob der mage krank were /
ob es von kelte odder hize / feuchte odder dürre were. Auch
solcher massen anderer glieder / welchs vbel zuerkennen ist
on ein gelerten Arzt der Astrologey / Wo man aber solchs

A ij nicht haben